

STOMATOLOŠKI FAKULTET SA KLINIKAMA U SARAJEVU, Bolnička 4a, Sarajevo,
koga zastupa Dekan Prof.dr.sc. Muhamed Ajanović (Osiguranik)

i

SARAJEVO-OSIGURANJE d.d. - Produžnica Sarajevo, Maršala Tita broj 29, Sarajevo, koju
zastupa Korjenić Mirza po ovlaštenju br.01-2674/17 (Osiguravač)

Zaključili su sljedeći

UGOVOR O OSIGURANJU IMOVINE

Član 1.

Ovim Ugovorom Osiguravač i Osiguranik, kao ugovorne strane uređuju međusobne odnose poslovne saradnje u oblasti osigurane imovine, kao i u svim poslovima od zajedničkog poslovnog interesa.

Član 2.

Po ovom Ugovoru osiguravati će se imovina Osiguranika, a u skladu sa uslovima Osiguravača.

Član 3.

Ugovor se zaključuje na određeno vrijeme, u trajanju od jedne (1) godine.

PREMIJA OSIGURANJA

Član 4.

Osiguranik se obavezuje platiti premiju osiguranja prema potpisanim i ispostavljenim policama, a u skladu sa dostavljenim ponudom broj: 02-2-1-215-15/18 od 29.11.2018. godine koja predstavlja sastavni dio ovog Ugovor.

PLAĆANJE PREMIJE

Član 5.

Plaćanje premije će se vršiti u skladu sa ispostavljenim Fakturama u dogovorenim rokovima.

PRIJAVLJIVANJE ŠTETA

Član 6.

Kad nastane osigurani slučaj na osnovu kojega se traži naknada iz osiguranja, Osiguranik je dužan postupiti prema Općim uslovima iz osiguranja.

RJEŠAVANJE ŠTETA

Član 7.

Osiguravač je obavezan isplatiti naknadu iz osiguranja za štete prouzrokovane nastankom osiguranog slučaja po odredbama Općih uslova osiguranja.

ISPLATA NAKNADE

Član 8.

1. Kada se dogodi osigurani slučaj, Osiguravač je dužan isplatiti naknadu u ugovorenom roku koji ne može biti duži od četrnaest dana, računajući od dana kada je Osiguravač dobio obavijest da se osigurani slučaj dogodio.

Ako je za utvrđivanje postojanja, osiguravačeve obaveze ili njezina iznosa potrebno izvjesno vrijeme, taj rok počinje teći od dana kada je utvrđeno postojanje njegove obaveze i njen iznos.

2. Ako iznos Osiguravačeve obaveze ne bude utvrđen u roku određenom u prvom stavu ovog člana, Osiguravač je dužan, na zahtjev ovlaštene osobe Osiguranika, isplatiti iznos nespornog dijela svoje obaveze na ime predujma.

Član 9.

Uslovi osiguranja po kojima je zaključen ovaj Ugovor biti će sastavni dio Ugovora, skladu sa dostavljenim ponudom broj: 02-2-1-215-15/18 od 29.11.2018. godine.

Član 10.

Ovaj Ugovor stupa na snagu danom njegovog potpisivanja i ovjere od strane predstavnika ugovornih strana.


Član 11.

U slučaju spora po ovom ugovoru nadležan je Općinski sud u Sarajevu.


Član 12.

Ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

Osiguravač
SARAJEVO-OSIGURANJE D.D.


Korjenić Mirza


Osiguranik
STOMATOLOŠKI FAKULTET
SA KLINIKAMA U SARAJEVU


Prof.dr. sc. Muhamed Ajanović, Dekan

Broj: 01-113/19

Datum: 10.01.2019



Broj: 02-2-1-215-20/18

Datum: 04.01.2019.

